



Ալեքսանդր Շիրվանզադե

Արսեն Դիմաքսյան

Առաջին մաս, IX-XII

IX

Ես այդ տեսակ խոսող կյանքումս չեմ տեսել: Ժամանակով կարող է Ամբակում Աֆանասիչի տեղը բռնել: Լեզու խոմ չէ, կրակ է: Ափսոս որ ուշ հասա, նեղոհմկաններ բաշխող. կոմիսիան երեկ բանը շատ երկարացրեց: Տասն ու վեց հազար երեք հարյուր տասն ու չորս մանեթ սկիդկա արեցինք: Ապրե՛ս Դիմաքսյան. Բարաթովդ գլուխը քաշ արած այնպես դուրս եկավ, ինչպես պոչը կտրած գող կատու: Հապա՛, ո՞նց էր, քեզ նման ուսումնականներին այնպես էլ հարկավոր էր ներկել: Ապրե՛ս, Դիմաքսյան, ապրե՛ս:

Իսկ ես չհավանեցի: Ինչպե՞ս կարելի է կոպիտ խոսել, կարծես, մարդիկ տոմսակի փող էին տվել եկել, որ հայհոյանք լսեն: Նա կովում էր, չէր խոսում: Ճշմարիտ են ասում, որ աննորմալ մարդ է, այսինք՝ խելքը գլխին դրուստ չէ:

Խելքը գլխին դրուստ չէ, դրուստ չէ, հա՛ հա՛ հա՛: Քո կարծիքով ո՞ւմ խելքն է դրուստ, ով որ դրո՛ւստ դեմք ունի, չէ՞. հասկանում ենք, հասկանում ենք: Հիմա դու տես ինչպես առաջիկա տարի այդ աննորմալին գլասնի ընտրել կտամ, իսկ քո Բարաթովդ յուր օրումը այդ պատիվը չի տեսնիլ, թեկուզ տրաքվի էլ, այ քեզ աննորմալ...

Խոսակցությունը տեղի ունեցավ ամբողջ ընտանիքի ներկայությամբ, ճաշին:
Գայանեն լուռ էր, իսկ Օվսաննան զբաղված էր երկու մանկահասակ
աղջիկներով Լիզոչկայով և Էլենչկայով, որոնք ուտելով հանդերձ ծիծաղում էին
բարձրաձայն և խանգարում իրենց ծնողների խոսակցությունը: Պյոտր
Սոլոմոնիչը գոռաց նրանց վրա և, դառնալով կնոջը, հանդիմանեց, որ վատ է
կրթում զավակներին:

Տիկինը աչքերը լայն բաց արեց և մի քանի վայրկյան նայեց երեխաների երեսին
այնպես, որ, կարծես, կոկորդուս ոսկոր մնաց: Փոքրիկները գլուխները
միաժամանակ թեքեցին, խուսափելով իրանց մոր սպառնալից հայացքից:

Դեռ աչքերիս մի լավ մտիկ արեք հետո, Լիզոչկա, քեզ եմ ասում, Էլենչկա, քեզ եմ
ասում, ուղիղ, ուղիղ:

Կարծես նրա աչքերի մեջ մանկական լեզվով դրված էին մանկավարժության
բոլոր կանոնները, որ պետք է առանց խոսքի իսկույն ազդեին:

Իսկ ես, հարեց Պյոտր Սոլոմոնիչը, չեմ ասիլ աչքերիս մտիկ արեք, կասեմ
մատներիս մտիկ արեք: Եթե մեկ էլ հրոհըր ծիծաղեք, ականջներդ այնպես
կքաշեմ... որ Բարաթովիդ էլ հերն եմ անիծել:

Պե՛տյա, Պե՛տյա, դարձրեց տիկինը յուր կոթիչ աչքերը մարդուն, դու քեզ
մոռանում ես: Առաջինը Բարաթյանը այստեղ գործ չունե, երկրորդը տասն ու
իններորդ դարի վերջն է:

Ասելդ ի՛նչ է:

Ասելս այն է, որ մեր ժամանակում ականջ քաշելով երեխա չեն կրթում:

Հերիք է, քո հորն օդորմի, ես դարի-մարի հետ բան չունեմ, դու շատ ես երես
տալիս երեխաներին:

Ժամանակակից տիկինը սառն և հանդիսավոր եղանակով պատասխանեց.

Ես նրանց կրթում եմ նոր սիստեմով:

Գայանեի միտքը հեռու էր այս ընտանեկան տեսարանից, որ գրեթե ամեն օր կրկնվում էր նույն վարիացիաներով: Գզվանքով նա հիշում էր այն սովորական պահը, երբ առհասարակ տեսակցում էր Բարաթյանի հետ: Նա մտքում րոպեները, նույնիսկ վայրկյանները հաշվում էր, թե երբ կհասնի ցանկալի հինգ ժամը, երբ նա սովորաբար Օվսաննայի հետ դուրս էր գնում «մաքուր օդ շնչելու»: Ճիշտ այդ ժամին նա Դվարցովայի փողոցում հանդիպում էր Բարաթյանին գրոսնելիս կամ որևէ մագազինայի առջև կանգնած վիտրինում դարսած իրերը գննելիս: Տեսնելով միմյանց, երկուսն էլ զարմացական նշան էին անում, իբրև թե չէին սպասում հանդիպել իրար: Օվսաննան առայժմ նրանց խանգարել չէր կարող, քանի որ խոսակցությունը սովորական բարեկամության սահմանից չէր անցնում: Բայց ի՛նչ փույթ, նրանք արդեն միմյանց միտքը հասկանում էին:

Տիկին Բախտամյանին շատ լավ հայտնի էր, թե ում և ինչու համար է Գայանեն ամեն երեկո դուրս գալիս: Նա չէր խանգարում օրիորդին, որովհետև կամա-ակամա ստիպված է ազատամիտ մոր դեր կատարել: Նա գիտեր, որ բախտը հագիվ Գայանեին հաշոդի ավելի լավ ամուսնացու գտնել: Սակայն երբեմն վրդովվում էր հոգու խորքում: Նա, այդ երիտասարդ, գեղեցիկ կինը, որ համոզված էր, թե ընդունակ է մի քանի Գայանեների նսեմացնել, հանկարծ խնամող մոր պաշտոն է կատարում, իրանից միայն հինգ տարի երիտասարդ օրիորդի համար: Երբ այդ մասին մտածում էր, երբ նայում էր յուր ամուսնու խորշումած երեսին, սպիտակ մագերին, երբ համեմատում էր նրան այն առույգ, ծիծաղկոտ, ուրախ երիտասարդի հետ, այն ժամանակ տիկնոջ սիրտը լցվում էր դառնությամբ: Նա նախանձում էր Գայանեին: Նա յուր սրտում զգում էր մինչև անգամ ատելություն դեպի օրիորդը: Եվ օրեցօր նա Գայանեի վերաբերմամբ դառնում էր անհամբեր, դուրսագրգիռ: Միևնույն ժամանակ, մի ծանր միտք, կարծես, հալածում էր նրան:

Մի առավոտ տիկինը մտավ Գայանեի սենյակը: Օրիորդը լուսամտուտի առաջ նստած թղթատում էր մի նոր գիրք, որ Բաբաթյանն էր խորհուրդ տվել նրան կարդալու:

Գայանե՛:

Նա գլուխը բարձրացրեց:

Տիկինը սովորականից ավելի էր հուզված:

Ես ուզում եմ այսօր հինգ ժամին քեզ հետ գնալ տիկին Միրզախանյանի մոտ:

Ինչո՞ւ համար:

Ընկերության գործերի մասին խոսելու:

Կանոնադրությունը ստացվե՞լ է:

Ոչ, դեռ չէ ստացվել, բայց հաստատվել է:

Այդ ես գիտեմ: Բայց քանի որ չէ ստացվել, ի՞նչ խոսելու բան ունենք:

Ուրեմն չե՞ս ուզում ինձ հետ երեկոյան հինգ ժամին գնալ Միրզախանյանի մոտ:

Եթե անպատճառ ցանկանում ես, գնանք, պատասխանեց Գայանեն նշմարելի դժկամակությամբ:

Ինչպես տեսնում եմ, չես ուզում գնալ, լավ, ես չեմ ստիպում: Ես առանց քեզ էլ կարող եմ գնալ:

Նա մի սուր հայացք ձգեց օրիորդի աչքերի մեջ: Գայանեն գլուխը խոնարհեցրեց:

Գայանե՛:

Օրիորդը դարձյալ գլուխը բարձրացրեց:

Երեկոյան տա՞նն ես ուզում մնալ:

Օրիորդը մի քիչ տատանվեց, ապա համարձակ պատասխանեց. Ոչ, դուրս կգամ մի քիչ զբոսնելու:

Տիկինը ժպտաց:

Դուրս կգաս մի քիչ զբոսնելու, այսինքն երկու, երեք, չորս ժամ:

Եվ նա ավելի սուր նայեց օրիորդի կապույտ աչքերին: Մի քանի վայրկյան նրանք լուռ էին: Օրիորդը երեսը դարձրեց դեպի լուսամուտը, որտեղից երևում էին փոքրիկ պարտեզի տերևաթափ ծառերը: Իսկ տիկինը աչքերը սևեռել էր նրա կիսադենքին:

Դու ինձանից իզուր ես թաքցնում, ես ամեն բան գիտեմ:

Տիկինը աշխատում էր խոսել մեղմ, բարեկամական եղանակով: Բայց ձայնը մատնում էր նրան, նա հուզված էր:

Դու լռում ես, ուրեմն ես չեմ սխալվում: Է՛հ, ի՛նչ կա, նա լավ տղա է, դու գիտես, որ ես էլ շատ եմ հավանում նրան:

Մինչև այդ վայրկյանը Գայանեն չէր նայում նրա կողմը: Ամոթից ու կասկածից ցնցողաբար գողացող մատներով նա անընդհատ փաթաթում էր և բաց անում յուր կրծքի ժապավենը: Կամացուկ գլուխը ծոց և նայեց տիկնոջ երեսին, ինչպես մի մեղանշած երեխա, որ ամաչում էր յուր արարքից:

Դու կարծում ես կհակառակե՞մ, ո՛չ, Գայանե, մի վախենալ: Ապա մեկ էլ մտիկ արա աչքերիս և ուղիղն ասա:

Փարատվեց օրիորդի սրտում ծանրացած կասկածը: Ո՛չ, անկարելի է, որ ուրիշ բան լինի: Տիկինը ազնիվ է, տիկինը սիրում է նրան անկեղծ սրտով և երբեք, երբե՛ք խոչընդոտ չի լինիլ նրա երջանկությանը: Չքացավ անվստահությունը, մի ինչ-որ ներքին ուժ մղեց նրան դեպի տիկնոջ գիրկը, և գլուխը հանդարտ թեքվեց նրա ուսի վրա:

Շատ ուրախ եմ, շատ ուրախ եմ: Ես գիտեի, որ այդպես պետք է լինի:

Տիկինը յուր գլուխը բարձր պահած, փափուկ սրածայր մատներով շոյում էր օրիորդի մազերը: Նկատելի էր նրա դենքի վրա մի թեթև գունատություն, նկատելի էին նույնպես ցնցումներ նրա շրթունքների վրա, որ այնպես անխնա կրծոտում էր նա ատամներով:

Ուրեմն սրտներդ բաց եք արել միմյանց, ասա՛, բոլորը ասա, ոչ մի բան մի՛
թաքցնիլ: Դու լա՛ց ես լինում, ինչո՞ւ, միթե քեզ նման, հա՛ հա՛ հա՛, բախտավորը
լա՛ց կլինի... Մի՞թե ճշմարիտ է, որ մարդիկ երջանկությունից արտասվում են, ես
այդ բանին չեմ հավատում: Ասա՛, դու նրան սիրո՞ւմ ես:

Այո՛...

Նա էլ քե՞զ է սիրում:

Այո՛, կարծեմ, չգիտեմ:

Այո՛, կարծեմ, չգիտեմ: Չեմ հասկանում ասածդ: Ուրեմն բացատրություն չե՞
եղել:

Դեռ ոչ:

Տիկինը բաց թողեց օրհորդի գլուխը: Նրա շրթունքները դադարեցին ցնցվելուց:
Նա հագիվ գսպեց հառաչանքը:

Դեռ ո՛չ, ինչո՞ւ:

Չգիտեմ:

Օրհորդը աչքերը սրբում էր թաշկինակով:

Բայց ինչի՞ց ես իմանում, որ նա քեզ սիրում է: Գոնե մի խոսք ասե՛լ է այդ մասին,
մի նշանով ցո՞ւյց է տվել յուր սերը:

Սիրտս է վկայում, որ նա ինձ սիրում է:

Այդ շատ քիչ է, սիրելիս, սրտի վկայությունը մի մեծ բան չէ. իմ սիրտս էլ ուրիշ
բան է վկայում, բայց ես իրավունք չունեմ...

Ի՞նչ ասացի՛ր:

Ոչինչ, Գայանե, ոչինչ: Ինչո՞ւ այդպես հանկարծ վախեցար, ես մի բան չասացի:

Օրիորդը կարմրեց: Բայց նույն վայրկյանին նայեց տիկնոջ աչքերին և այնտեղ նկատեց այն, ինչի մասին վաղուց կասկածում էր նախանձ: Դարձյալ չար, անտանելի, քստմնելի միտքը պղտորեց քանի մի բույն դուրեկան կերպով բորբոքված սիրտը: Այլևս նա չկարողացավ և չէր կամենում շարունակել այդ երկդիմի, նուրբ և կասկածոտ խոսակցությունը: Նա վեր թռավ տեղից: Տիկինը անշարժ նստած էր և, արմունկը լուսամուտի հատակին հենած, նայում էր դեպի դուրս: Երկուսն էլ միմյանց դեմ մի վատ զգացում ունեին իրանց սրտի խորքում, այնտեղ, այն անմատչելի անկյունում: Երկուսի համար էլ ծանր էր, անախորժ, ամոթալի այդ զգացումը: Տիկինը ավելի ամաչում էր, օրիորդը, ավելի վրդովված էր: Անկարելի էր ավելի հեռու գնալ, հակառակ դեպքում կամ պետք է շարունակ կեղծեին, կամ, վերջապես, միմյանց հաղորդեին այն, ինչ որ նրանց գաղտնիքն էր, խորհրդավոր, երկյուղալի գաղտնիք, որ պետք է երկու կանանց մեջ բաց աներ մի մեծ վիհ:

Իսկ լուրջությունը ավելի անտանելի էր:

Տիկինը կամացուկ վեր կացավ տեղից, ծանր քայլերով, գլուխը կրծքին խոնարհեցրած, դուրս գնաց սենյակից:

Օրիորդը երեսը թաղեց բարձի մեջ և սկսեց հեկեկալ: Իսկ երբ Օվսաննան ներս մտավ և նրան ճաշի հրավիրեց, նա մերժեց:

Նույն օրը երեկոյան նա սովորականից վաղ դուրս եկավ տնից և սովորականից շատ ուշ վերադարձավ, այն էլ ոչ Օվսաննայի հետ: Նա մի արտասովոր տենդային դրության մեջ էր: Հարկավ, այդ բանը տիկնոջ աչքից չէր կարող խույս տալ: Բայց տիկինը ոչինչ չէր խոսում: Նա առհասարակ լուռ էր, տրտում և բարկացած: Նա դիտում էր օրիորդին գաղտուկ, իսկ նրա հայացքից խույս էր տալիս: Նրանք միմյանցից վախենում էին:

Հետևյալ օրը տիկինը չկարողացավ իրան գսպել: Արդեն օրիորդի անսահման ուրախ տրամադրությունը նրան բավական տանջանք էր պատճառել: Նա փորձեց Գայանեին խոստովանության կանչել, և հանդիպեց անհաշողության: Օրիորդը բարձրաձայն ծիծաղեց և ասաց, թե հետո կպատմի: Այդ ծիծաղը սուր ասեղի պես ցցվեց տիկնոջ սրտին: Նա թշնամաբար նայեց օրիորդին, ատամները

կրճտեց և դուրս գնաց սենյակից, դռները ուժգին զարկելով:

Այնինչ մոտենում էր Բարաթյանի կազմած թատրոնական ներկայացման օրը: Պետք է խաղացվեր մի նոր պիես, որ ի պատիվ կանանց ընկերության հատկապես ֆրանսերենից թարգմանել էր Բարաթյանը: Բոլոր մասնակցողները հայտնի ընտանիքներից էին: Տիկին Բախտամյանը զբաղված էր տոմսակների հաշվով, իսկ Գայանեն հանձն էր առել նրա օգնականը լինել: Բարաթյանի խորհրդով նա հրաժարվել էր բեմ դուրս գալուց: Ամբողջ օրը տիկինը և օրիորդը զբաղված էին, շտապում էին այս ու այն կողմ, մի ամենաչնչին մոռացված բան նրանց վրդովեցնում էր: Բայց միմյանց հետ շատ քիչ էին խոսում, այն էլ այնքան զգույշ, որ, կարծես, վախենում էին մի ավելորդ խոսք թոցնել իրանց բերանից:

Իսկ թե ինչ իրարանցման մեջ էին նրանք, որ պետք է բեմ դուրս գային, այդ արդեն աննկարագրելի է: Ամեն մեկը նոր հագուստներ էր պատրաստել տալիս, օրը մինչև երեկո փորձում էր պես-պես գլխարկներ, ձեռնոցներ, կոշիկներ: Կառքերը սլանում էին աջ ու ձախ: Փողոցներում միմյանց հանդիպելիս «գործիչ» տիկինները զբաղված դեմքով զանազան փոխադարձ նշաններ էին անում: Տիկին Միրզախանյանը ասում էր, թե յուր կյանքում երբեք այնքան «չէ զգացել», որքան այժմ: Մի խոսքով շփոթությունը անասելի էր:

Էկոնոմիստ-ֆինանսիստ Բարաթյանը հաշվում էր և տեսնում, որ «գործիչ» տիկինները և օրիորդները իրանց գրպանից ավելի մեծ գումար են ծախսում կառքերի, հագուստների և կոշիկների վրա, քան թե կարող է լինել նույնիսկ ամենահաջող ներկայացման արդյունքը:

X

Երեկո էր: Տիկին Բախտամյանը առանձնացած յուր սենյակում, զուգվում էր: Նա չարացած էր. օրիորդ Գայանեն, առանց նրան սպասելու, արդեն գնացել էր յուր մի ընկերուհու մոտ: Այդտեղից նա Բարաթյանի հետ պետք է ուղևորվեր թատրոն:

Դա մի թեթև պատճառ էր տիկնոջ համար, իսկ բուն շարժառիթը ուրիշ էր: Դառնությունը և սրտի կսկիծով նա խորհում էր առհասարակ յուր վիճակի մասին: Մի վիճակ, որ ստիպում էր այնքան թարմ, այնքան գեղեցիկ կնոջը թև թևի տված թատրոն մտնել մի հնամաշ, ուժաթափ, մի ալեգարդ մարդու հետ: Որքան, երևի, ծիծաղում են նրա վրա բախտավոր ընկերուհիները: Եվ իրավունք ունեն, միթե ինքը, տիկինը չէ՞ր ծիծաղիլ մի ուրիշի վրա:

Նա կանգնած էր բարձր հայելու առջև թեթև հագուստով, կիսաբաց կրծքով և հոլանի թևերով: Նա հիանում էր ինքն իրանով: Գանգուր և թանձր մազերը, ինչպես մայիսյան դալար խոտ, փովել էին նրա գիրուկ, սպիտակ և կիսամերկ թիկունքի և ուսերի վրա: Ներքին հուզմունքից նրա կուրծքը ուժգին երերվում էր և կոկորդի բարակ կապտագույն երակները փրվում: Նրա կամարաձև, պարսկական ճաշակով գծավորված, սև հոնքերի տակ տեղավորված թուխ աչքերը պսպլում էին կրքոտ կատվի աչքերի պես: Նրա լիք-լիք կիսաբաց շրթունքները կապտել էին և թեթևակի դողում էին:

Երբեմն նա գեղեցիկ արծաթյա սանրը ազատում էր հարուստ մազերի ալիքների միջից և ավելի ուշադիր դիտում իրան՝ սկսած տափակ, նեղ և սպիտակ ճակատից մինչև ոտների ծայրերը: Նա անիծում էր յուր անսիրտ ծնողներին: Ինչո՞ւ հարստությանը հրապուրվելով իրանց տասնութ տարեկան աղջկան տվեցին քառասուն ու ինը տարեկան թառամածին: Անգո՛ւթ հայր, դու ծախեցիր քո աղջկան, դու քո պարտատերերից ազատվելու համար հարուստ փեսա գտար, որ նա յուր փողով քեզ օգնի: Դու հասար քո նպատակին քո աղջկա բախտի գնով: Օ՛ո, եթե նա այն ժամանակ ունենար այժմյան խելքը, համարձակությունը և կամքի կորովությունը, երբեք, երբե՛ք չէր մտնիլ այդ դժոխքը:

«Գոնե մեռներ, այրի դառնայի», կրկնում էր նա մտքում:

Բայց Պյոտր Սոլոմոնիչը չէր էլ մտածում մեռնելու մասին, այնքան նա առողջ էր, ամրակազմ և այնքան նա խնամում էր յուր առողջությունը:

Առաջին ծանոթը, որին տիկինը պատահեց թատրոնում, Դիմաքսյանն էր: Հակառակ սովորականին՝ նա սիրալիր կերպով բարևեց երիտասարդին, որպեսզի կամացույց յուր թևը ազատե ամուսնու թևի տակից, որ էնպես ամուր

սեղմել էր նրան: Պյոտր Սոլոմոնիչը գովեց Դիմաքսյանի դասախոսությունը, հայրաքար ձեռք խփեց նրա ուսին և բարեկամաբար հանդիմանեց, որ ուշ-ուշ է այցելում իրան: Արդարև, այն օրից, երբ նա զգաց, որ անտարբեր չէ դեպի օրիորդ Գայանեն, այն օրից նա ամաչում էր Բախտամյանների տուն գնալ, թեև կցանկանար ամեն օր այնտեղ լինել: Միայն ամեն առիթից օգտվում էր գոնե դրսում տեսնելու օրիորդին և հետք խոսելու: Երկու շաբաթ էր նա տենդային հուզմունքի մեջ էր: Պաշտոնակիցները նրա հետ իրանց կոփվր նորոգել էին: Այժմ նրան հալածում էին ամենքը: Նույնիսկ կողմնակիցները շատ թույլ պաշտպանություն էին ցույց տալիս: Ամբողջ հոգով նա բողոք էր բարձրացրել դպրոցի հակաառողջապահական պայմանների սենյակների փոքրության և մթության, օդի սակավության դեմ: Նա պահանջում էր արմատական վերանորոգություն: Այս պատճառով հոգաբարձուների մեծ մասն էլ վրդովվել էր նրա դեմ, որ անընդհատ դատապարտում էր նրանց թուլությունը և անուշադիր լինելը դեպի աշակերտների վիճակը:

Մյուս կողմից, մի հայ լրագրում ծաղրի էին ենթարկել նրա դասախոսությունը: Եվ նա յուր սրտի թույնը այժմ ուղղել էր դեպի լրագրական թշնամիները: Բայց ավելի նա վշտացած էր մի ուս թերթում տպված հոդվածից: Այստեղ անհայտ հեղինակը բավական չէր որ պարսավել էր նրա դասախոսությունը, այլև գրպարտել էր նրան, առանց փաստերի, ասելով, թե նա յուր բոլոր մտքերը քաղել է օտար գրքերից: Այդ էլ բավական չէր, հոդվածագիրը կծու ծաղրով ավելացրել էր.

«Պարոն դասախոսի չարությունը հայ ինտելիգենցիայի դեմ կարելի է բացատրել հոգեբանորեն: Բայց ի՞նչ մեղավոր են հայերը, որ անգութ բնությունը երբեմն մարդկանց փոքրիկ մարմնի մեջ նրանց ուժից ավելի չար նախանձ է դնում»:

Նա մենակ նստած էր բուֆետի կիսախավար սենյակում և յուր սրտի վիշտը ճգնում էր խեղդել ծխախոտի թանձր ծխով: Նրան մոտեցավ բժիշկ Սալամբեկյանը սովորական դժգոհ և մաղձոտ ժպիտը երեսին:

Դատարկ բան է, եղավ բժշկի առաջին խոսքը: Ի՞նչը:

Աշխարհը: Ինչո՞ւ համար են այդ կոմեդիաները, այդ ծիծաղելի իրարանցումը.
մեր ազգից ոչինչ չի դուրս գալ, ոչի՛նչ, ուր մնաց կանանց գործունեությունից:

Դու էլ օրեցօր պեսիմիստ ես դառնում, չգիտեմ քե՞զ ինչ է պատահել:

Բժշկական օրենքով խրոնիկական կատառ ունեցողները պեսիմիստ են լինում,
երևի իմն էլ դրանից է: Քո ստամոքսը առողջ է, կարող ես օպտիմիստ լինել, ինձ
ինչ: Միայն այս կասեմ, որ ես մարդկանց չեմ հավատում, մանավանդ այդ
սյուրտուկ հագած նապաստակին:

Նա գլխով ցույց տվեց իրավաբան Վեքիլյանին, որ կանգնած էր մի խումբ
մարդկանց մեջ:

Ո՛հ, անա՛րգ, անամո՛թ:

Դիմաքսյանը ապշած նայեց բժշկի երեսին. առաջին անգամն էր նրանից լսում
այդպիսի կոպիտ ածականներ յուր ընկերոջ մասին:

Ինչո՞ւ, ի՞նչ է պատահել, հարցրեց նա:

Այն է պատահել, որ այն գարշելի հողվածի հեղինակը դա է, այդ մեր խոհեմ և
զգույշ ընկերը:

Վեքիլյա՞նը:

Նա ինքը:

Դիմաքսյանը ոտքի կանգնեց այնքան արագ, այնպես հանկարծակի, որ,
կարծես, մեկը նրա մարմնին էլեկտրական թելի ծայր կպցրեց: Նրա գույնը թռավ,
շրթունքները կապտեցին, նոսր մորուքի յուրաքանչյուր մազն էլեկտրական մի թել
դարձավ, ցնցելով երեսի բոլոր սկանոնքները:

Այդ անկարելի է, անհավատալի է, գոչեց շնչասպառ:

Գիտես, որ առանց հիմնավոր փաստի ես ոչ ոքի չեմ մեղադրում:

Ո՞վ ասաց քեզ:

Լրագրի աշխատակիցներից մեկը, մի բարեկամ մարդ, որ ինքն էլ վրդովված է այդ պասկվիլի դեմ: Բայց մի՞թե Վեքիլյանին դու նոր ես ճանաչում:

Ես նրան մի ազնիվ մարդ եմ համարել: Պետք է ասած, որ դու էլ Մսերյանից պակաս հափշտակվողը չես:

Մի ծանր և դառն հոգոց դուրս թռավ Դիմաքսյանի ալեկոծվող կրծքից: Այո՛, բժիշկը չի սխալվում, հոգվածի ոճը, հեզնելու ձևը միայն Վեքիլյանին է հատուկ:

Բայց դու շատ վրդովվեցիր, Արսեն. եթե իմանայի, չէի ասիլ, միթե արժե՞...

Չարժե, երբ տեսնում ես, մարդիկ խախտում են հավատդ դեպի ընկերական զգացումները. չարժե՞, երբ երեսիդ մեկ են ասում, հետևիցդ ուրիշ: Չարժե՞ վրդովվել այդ ստոր, խարդախ երևույթի դեմ: Չգիտեմ ինչպես քեզ, ուրիշներին, բայց ինձ ամեն բանից ավելի մարդկանց կեղծությունը և երկդիմի վարմունքն է կատաղեցնում:

Նա սկսեց ուժգնաբար ներշնչել ծխախոտի ծուխը, կարծես, կամենալով հետ մղել յուր սրտի մեջ բռնկված կսկիծը:

Չանգակը հնչեց, և նա անգիտակցաբար, հուզված, դեղնած դիմեց բժշկի հետ դեպի դահլիճ:

Թատրոնը բոլորովին լիքն էր: Նա նայեց վայր և վեր, նայեց շուրջը և դժվարությամբ անցնելով բազմած հանդիսականների միջով, գնաց նստեց յուր տեղը: Նա չէր նկատում, որ ներկայացումն արդեն սկսվել է և բեմի վրա մի ինչ-որ կին և մի ինչ-որ տղամարդ անխնա աղավաղում են հայ լեզուն: Նրա աչքերը թափառում էին այս ու այն կողմ: Նա որոնում էր Վեքիլյանին. արդյոք գաղտագող իրավաբանը երես կունենա ուղիղ նրա երեսին նայելու: Նրա հայացքը կանգ առավ օթյակներից մեկի վրա և տեսավ մի ուրիշ կերապարանք, որին մի քանի րոպե մոռացել էր:

Դա Գայանեն էր, տիկին Բախտամյանի հետ նստած: Հովհարը մեղմիկ շարժելով, նա մերթ նայում էր դեպի բեմ, մերթ հանդիսականներին: Դիմաքսյանն աչքերով հետևեց նրա հայացքի ուղղությանը և այնտեղ, պատշգամբի առաջին շարքում, տեսավ Բարաթյանին, որ երբեմն նայում էր ցած, դեպի պարտեզը, երբեմն Գայանեին և ժպտում:

Դիմաքսյանի նրբացած զգայուն սիրտը միայն հասկանում էր այդ ժպիտների բուն իմաստը: Գուշակում էր նա, որ ամեն ինչ վերջացած է, որ հաղթանակն արդեն Բարաթյանը տարել է: Հաղթանա՞կ, միթե նա մրցե՞լ էր: Ո՛չ, նրա կռիվը ներքին էր, հոգեկան, նրան գրգռում էր ոչ այնքան այն, որ Բարաթյանը գրավել էր այդ օրիորդին, որքան այն, որ ինքն անկարող է գրավել նույն օրիորդին, եթե ոչ մի հակառակորդ էլ չունենար: Մեփական ապիկարության սոսկալի գիտակցությունն էր նրան վշտացնում: Ահա նա նստած է ուրիշ կանանց բազմության մեջ: Ո՞վ է նրա վրա ուշք դարձնում: Գրեթե ոչ ոք: Իսկ եթե կան նայողներ և հետաքրքրվողներ, լոկ նրա անվան համար են: «Ո՞րն է Դիմաքսյանը. նա՞, ֆի՛, ինչ ողորմելի է», արդյոք կարո՞ղ է սրանից ավելի վիրավորական խոսք լինել մարդու մասին:

Գործողությունը բեմի վրա վերջացավ մի պառավ կնոջ ճիշով: Թատրոնն աղմկեց: Դիմաքսյանն ազատեց յուր փոքրիկ մարմինը բազկաթոռների նեղ միջանցքներից ու դուրս եկավ: Բժիշկ Սալամբեկյանը բռնեց նրա թևից, և նրանք միասին բարձրացան թատրոնի վերին հարկը: Օթյակների նեղ և աղեղնաձև նախագավիթը լիքն էր կանանցով: Մի ինչ-որ նորեկ հայ հուսար, որ նմանում էր թևերը կտրած մորեխի, ընդհանուրի ուշադրության առարկան էր: Կուրծքն ուռցրած, բեղերը ոլորելով, նա Մարսի շանթահար հայացքներ էր ձգում անցուդարձ անող կանանց վրա:

Բարև, Արսեն, գոչեց հուսարը՝ հանկարծ:

Դիմաքսյանը հագիվ կարողացավ ճանաչել յուր մանկական ընկերներից մեկին, որ հայտնի էր յուր գեղեցիկ դեմքով և չար բնավորությունով: Քանի-քանի անգամ երեխա ժամանակ հուսարը ծաղրել էր նրան: Պետք էր մի փոքր խոսել, ուստի նա ստիպվեց կանգ առնել:

Ասա, խնդրեմ, ընդհատեց հուսարը ինքն յոր խոսքը, ո՞վ է այդ բրյունետկան:

Պատի տակ կանգնած էր տիկին Բախտամյանը մի ուրիշ տիկնոջ հետ և ստեպ-ստեպ հովհարի հետևից նայում էր հուսարին: Տեսնելով Դիմաքսյանին գեղեցիկ սպայի հետ նա ժպտաց և գլուխը շարժեց:

Աս' գնա՛լիս՝ դու ծանոթ ես, գոչեց հուսարը. բրավո, գնա՛լիս հաղթություննե՞ր ես անում: Չի՞ կարելի, որ ինձ էլ ծանոթացնես, նե դուրեննկայա, Պիտերում բլոնդիկաները գահիես տարեցին: Նու-սս, ծանոթացրո՛ւ: Նելո՞վկո, աա՞, գնայու ստարովո ռեվնիվցա, վախենում ես, որ խլե՞մ ձեռքիցդ: Դու միշտ նախանձոտ էիր, պո՞մնիշ:

Դիմաքսյանը, շաղակրատ հուսարին թողնելով, առավ բժշկի թևը և հեռացավ: Այժմ նա հոգով զղջում էր թատրոն գալու մասին: Նա երջանիկ էր համարում Մսերյանին, որ մենակ տանը նստած միտքը զբաղեցնում է ով գիտե ինչ փիլիսոփայական գրվածքով, հանգիստ, խաղաղ, հեռու մարդկային աղմկից, հեռու կյանքի խեղդող ալիքներից: Բայց միթե նա կարո՞ղ է Մսերյան լինել, կարո՞ղ է թարմ հասակում կյանքը թաղել չորս պատերի, գրքերի փոշու մեջ: Մինչդեռ նրա սիրտը լիքն է ապրելու և զգալու բուռն ցանկությամբ: Մի ցանկություն, որին նա երբեք, երբե՛ք չի կարող դիմադրել խելքի ուժով:

Նա ուշքի եկավ այն ժամանակ, երբ բժիշկը ուժգին թոթվեց նրա թևը, ասելով, թե վարագույրն արդեն բացվել է բեմի վրա: Հաջորդ խաղամիջոցներից մեկում մոտեցավ Գայանեին և սկսեց նրա հետ շրջել: Այս անգամ օրիորդն ավելի բարեհամբույր էր և ուրախ: Նա ուրախ էր, որ ներկայացումը հաջողվել է և անդադար հիշում էր Բարաթյանի անունը: Ի՞նչ, մի՞թե նա արդեն բոլորովին հափշտակվել է, մի՞թե Դիմաքսյանն այնքան նշանակություն չունի նրա աչքում, որ գեթ մի քանի վայրկյան նրա առաջ մոռանա՞մ մյուսին:

Նա զգում էր յոր տկարությունն այդ սիրուն, կենդանի և վառվռուն օրիորդի մոտ: Նա աշխատում էր խոսքը դարձնել այնպիսի նյութերի վրա, որ նրա ուշքը խլե Բարաթյանից: Բայց այդ չէր հաջողվում: Ամեն անգամ, երբ նայում էր օրիորդի կապուտակ աչքերին, նրա կամքը սառցի պես հալվում էր այդ աչքերի հրատապ ներգործությունից: Մի վայրկյան նա այնպես հափշտակվեց, նրա միտքը այնքան

պղտորվեց, խելքը այնքան մթագնեց, որ պատրաստ էր հենց այստեղ իսկ, առանց տատանման, հայտնել յուր սերը: Այո՛, նա նրան սիրում է, նա նրա համար տանջվում է, մորմոքվում: Այդ պետք է հասկանա օրիորդը, պետք է գնահատի, եթե խելք ունե, պետք է զգա, եթե սիրտ ունե:

Նրանք խոսեցին խաղացվող պիեսի մասին: Հերոսը գոհ է դառնում կրակոտ սիրո համար մի ընտանեկան անհաղթելի խոչընդոտի: Դիմաքսյանը չէր հավանում պիեսի գաղափարը: Նա ոգևորված բացատրում էր սիրո անհաղթելի ուժը: Օրիորդը չէր հակառակում: Ախ, ո՛րքան նա այդ րոպեին հրապուրիչ էր, ո՛րքան բարի և ներողամիտ էր նրա հայացքը: Դիմաքսյանի ձայնը դողում էր: Անշուշտ նա անկարող կլիներ իրան գսպելու, եթե նրանք առանձին լինեին, մի խուլ անկյունում, հեռու մարդկանց այդ ատելի աչքերից:

Հանկարծ օրիորդը լուրջ աչքերով նայեց նրա երեսին, և արագորեն գլուխ տալով, հեռացավ: Նա զգաց յուր խոսակցի հոգեկան դրությունը, նա փախավ ավելորդ խոսքերից:

Դիմաքսյանը միայնակ, շփոթված, չգիտեր ուր դիմեր, ինչպես խույս տար հասարակությունից: Նրան թվում էր, թե չորս կողմից յուր վրա են նայում: Ահա հենց այդ վայրկյանին նա տեսավ Վեքիլյանին: Արյունը մի նոր ուժով խփեց նրա գլխին, ականջները և ճակատը սկսեցին այրվել տաքությունից, երբ իրավաբանը, անփոփոխ ժպիտը երեսին, ցիլինդրը սեղմեց կրծքին և գլուխ տվեց: Սովորույթը ստիպեց նրան գլխի մի թեթև շարժումով պատասխանել այդ կեղծ բարեկամական ողջույնին:

Իրավաբանը մոտեցավ նրան:

Տեսնո՞ւմ ես, ինչ լավ են խաղում:

Կյանքում ավելի լավ դերասաններ կան, պատասխանեց Դիմաքսյանը:

Այո՛, այդ էլ ճիշտ է:

Վեքիլյան, ավելացրեց Դիմաքսյանը խիստ ձայնով, ես քեզանից չէի սպասում:

Ի՞նչ:

Որ կարող ես մթին անկյունից ինձ վրա քարեր արձակել:

Չեմ հասկանում ասածդ:

Այն անստորագիր պասկվիլի հեղինակը դո՞ւ ես: Վեքիլյանը այնպիսի մի գարնացական նշան արեց, որ, կարծես, ավելի անհեթեթ բան չէր լսել կյանքում:

Ո՞վ է ասում:

Մի մարդ, որին ամբողջ հոգով հավատում եմ:

Այդ մարդը ապացույց ունե՞:

Ապացույցներ պահանջում են դատարանում փաստաբաններից:
Հասարակական կյանքում մարդու խիղճն է ապացույցը:

Արսեն՛ն, խելոք մարդը գրպարտիչներին չէ հավատում:

Բայց ճշմարիտը խոսողին պետք է հավատալ:

Հոգվածն անստորագիր է, պատասխանատու է խմբագրատունը, ապացույցների համար դիմիր այնտեղ:

Աա՛, ուրեմն չես հերքում, որ դու ես հեղինակը:

Մի բան կասեմ, Արսեն. այն հոգվածը ով որ էլ գրած լինի, իմ կարծիքով, յուր մեջ քեզ համար վիրավորական բան չի պարունակում: Ով որ ուզում է ճշմարտություն քարոզել, պարտավոր է և ճշմարտություններ լսել, որքան էլ նրանք դառն լինեն:
Pardon հորաքույրս ինձ կանչում է:

Նա գլուխ տվեց և շտապով մոտեցավ օթյակի դռան մոտ կանգնած մի կնոջ:

Դիմաքսյանի համար այլևս կասկած չմնաց, որ Վեքիլյանը յուր դիմակավորված թշնամին է: Ուրեմն, ճիշտ է ասում Սալամբեկյանը, թե այդ մարդու արտաքին

վայելուչ ձևերի և բարեկամական ժպիտների տակ թաքնված է օձային սիրտ:
Նա մինչև անգամ վիրավորական չէ համարում յուր տմարդի վարմունքը:

«Կնաշանակե իմ դեմ սկսել են գինվել նույնիսկ իմ ընկերները: Բայց նրանք ինձ հետ ուխտել էին միևնույն համոզմունքով, միևնույն ուղղությամբ գործել: Այդպե՞ս են ուրեմն կատարում իրանց ուխտը: Այլևս ո՞ւմ վրա հույս դնել, ումին հավատալ»:

Միթե նա միայնա՞կ պետք է մնա, միայնակ յուր սրտի բոլոր դառնություններով, հոգու բոլոր ձգտումներով: Բժիշկ Սալամբեկյանը տակա՛վին մաքուր է: Բայց կա և մի ուրիշը Մսերյանը: Այո՛, այդ մարդուն կարելի է հավատալ, նրա պարզասրտության վրա հույս դնել: Նա կա և կմնա միշտ անկեղծ, բարեհոգի, վեհանձն:

Ներկայացումն վերջացել էր: Հանդիսականները միահամուռ դիմում էին դեպի դուրս, Դիմաքսյանի աչքերը թափառում էին այս ու այն կողմ: Եվ դարձյալ նա տեսավ Գայանեին: Ահա և «նա՛», միշտ ուրախ, միշտ գվարթ, միշտ ժպտուն:
Նա հետևում է օրիորդին և շնչում տիկին Բախտամյանի հետ: Իսկ ինքը, Դիմաքսյանը... երբեք նա այնքան փոքրիկ, ճնշված և սեղմված չէր յուր աչքում, որքան այժմ:

Նա կարծում էր, որ ամենքը խղճում են իրան, ծաղրում են և ծիծաղում:
Մարդկանց խառն-խտոն շարքերի մեջ նա երևում էր ինչպես ծուռ բուսած մի ծառ անտառում: Նրա փոքրիկ մարմինը հրվում և մղվում էր ամեն կողմից, ինչպես մի տաշեղ ալիքների մեջ: Եվ այդ ավելի սաստկացնում էր նրա սրտի կրակը:

Ճնշեցե՛ք, ճնշեցե՛ք այդ տձև մարմինը: Նա ծծում է յուր ներսը դինամիտային մի թունավոր և պայթուցիկ ուժ: Կգա ժամանակ, որ այդ սղմված, կարծրացած ուժն այլևս չի դիմանալ արտաքին ճնշումներին: Սոսկալի դրդոյունով նա դուրս կժայթքի ոչ միայն անհատների, Վեքիլյանների, Բարաթյանների գլխին, այլև ամբողջ հասարակության, ժողովրդի, ազգի վրա, որ ծնում է և սնուցանում այդ անհատներին: Իսկ դու, գեղադեմ օրիորդ, դու, որ այնպես երես ես դարձնում նրանից, զգո՛ւյշ, որ քո ընտրածը արդարացնե քո հույսերը, զգո՛ւյշ, որ այդպես

ուրախ, այդպես ծիծաղկոտ, այդպես երջանիկ կառք ես նստում նրա հետ...

XI

Բարաթյանի համար անտանելի էր յուր հասարակական դիրքը: Այն զգացումը, թե ինքը մի ինչ-որ ընկերության հասարակ գործակալ է, վիրավորում էր նրա անձնասիրությունը: Եվ գիշեր-ցերեկ նա խորհում էր արդյոք ինչպես ընկերական կյանքում ստեղծի մի դրություն, որ գեթ մասամբ գոհացներ նրա փառասիրական զգացմանը: Նա վայելում էր հոր կատարյալ հավատարմությունը: Կարող էր, գրավելով ծերունուն, նրա կարողությունը գործադրել, ինչպես կամենար: Բայց այդ կարողությունը այնքան մեծ չէր, որ կարելի լիներ գոնե ֆինանսական մի խոշոր գործ սկսել: Բացի դրանից, նրա ձգտումը միայն փող վաստակելը չէր: Մի՞թե դրա համար էր կյանք մաշել, «բարձրագույն» ուսում ստացել:

Մի առավոտ նա նոր էր գարթնել, երբ ծառան ներս մտավ և ասաց, թե հայրը կանչում է: Ինչպես հարգող որդի, շտապեց հագնվել և գնաց Գերասիմ Գերասիմիչի առանձնասենյակը: Դա մոտ վաթսուն տարեկան մի մարդ էր վտիտ դեմքով, կարճիկ ծայրերը կտրած բեղերով: Երեք տարի առաջ պարալիչ էր ստացել, ոտները կորցրել էին քայլելու ուժը, և նա ամբողջ օրը պառկած էր. հատկապես յուր համար պատրաստած մի երկայնաձև, շարժուն բազկաթոռի մեջ: Մի ծառա կարգված էր նրան սպասավորելու գիշեր-ցերեկ: Գերասիմ Գերասիմիչը նախկին չինովնիկ էր, եղել էր զանազան պաշտոններում և վերջը հասել էր նահանգական վարչության խորհրդականի (советник губернского правления) պաշտոնին: Յուր ճարպիկ բնավորության և եռանդուն աշխատասիրության միջոցով հույս ուներ ավելի առաջ գնալ, բայց ճակատագիրը դավաճանեց նրան, և նա այժմ անդամալույծ դարձած, անպետքացած, քաշքշում էր յուր կյանքի վերջին օրերը:

Նա ծառային հրամայեց դուրս գնալ, իսկ որդուն հրավիրեց նստել:

Է՛է, ի՞նչ ես մտածում ապագայիդ մասին, հարցրեց նա յուր խոպոտ և քայքայված ձայնով:

Ոչինչ:

Ոչի՞նչ: Վրենշ բրատ, քո հասակում փառասիրությունը որդնի պես ինձ ուտում էր: Իսկ դու և ես, բրատ, միևնույն պտուղն ենք: Ամուսնանալու միտք, բան չունե՞ս:

Ունենմ, պապա, պատասխանեց որդին համարձակ:

Ա՛յ երևելի բան, խի՛ խի խի, հըմ, քեզ և ինչ նման մարդկանց համար շուտ ամուսնանալը վատ բան չէ: Ինձ ամուսնությունը չփրկեց. քեզ էլ չի փրկիլ, բայց կարող է գոնե մի քիչ, գնայե՞շ, էդակույու լեռուկույու ուզդու նալոժիտ նա ստրաստի... խի՛ խի՛ խի՛: Ինչո՞ւ ես գլուխդ քաշ գցում, ամաչո՛ւմ ես, էհե, գիտենմ ինչ ծառի պտուղ ես: Քեզ ճանաչելը շատ հեշտ է, ներսս մտիկ կանենմ, քո հոգին կտեսնենմ պազած: Քո երակների մեջ վագում է քո հոր արյունը, ինչպես իմ երակների մեջ վագում է իմ հոր արյունը: Մեր ցեղը հայտնի է յուր թուլություններով: Մոլշա՛յտ, խոմ երեխա չես, գիտես, որ իզուր չես այս օրին հասել, գրեխի մոլոդոստի, բրատեց: Նո՛ւ, ասա՛ տեսնենմ, ո՞ւմ ես ուզում ճանկել:

Որդին, առանց մի բան թաքցնելու, հայտնեց սրտի գաղտնիքը հորը, ինչպես մի հավատարիմ ընկերոջ, որ կարող էր հարգել նրա զգացումները:

Պյոտր Սոլոմոնիչի քրոջ աղջի՞կը գոչեց անդամալույծը, ճանաչում եմ, ճանաչում եմ, տեսել եմ: Նիշևո, բրատեց, գու՛բա նե դո՛ւրա: Փող էլ ունի, իհարկե:

Այդ չգիտենմ:

Սուտ ես ասում, շելմա, դու իմ որդին չես լինիլ, եթե առանց փողի աղջիկ ուզես: Այդ աղջիկը փող պետք է ունենա Պետրոսի մոտ, նրա հորն էլ ճանաչում էի: Պետրոսը վատ մարդ չէ, չի խաբիլ քեզ, բայց զգույշ կաց: Է՛լ, ուրեմն ամեն բան վերջացրել ես, երբ ես ուզում պսակվե՞լ:

Դեռ հայտնի չէ, պապա, դրությունս անորոշ է, այս պատճառով տատանվում եմ:

Պուստոյե, ինչո՞ւ դրությունդ որոշ չէ: Քույրեր չունես ամուսնացնելու, եղբայրդ էլ շուտով ուսումը կավարտի, դոխտորոմ մեղիցինի վիյդետ, բրատեց: Իմ մասին մի

մտածիլ, իմ պենսիան ինձ բավական է, մնացյալը ինչ որ ունենա քոնն է ու եղբորդ:

Բայց ես հասարակական դիրք չունեմ, նկատեց որդին համեստաբար:

Դուռռակ, ի՞նչ ասել է հասարակական դիրք: Պատի՞վ, չի՞ն, հարգա՞նք, դու միշտ կարող ես ձեռք բերել քո ուսումով: Ժենի՛ս, բրատեց, Ժենի՛ս, հետո ամեն բան հեշտ է: Ամուսնացած մարդուն ավելի են հարգում, քան խալաստոյ շալապային: Մենք մեծ կապեր չունենք, քեզ հայտնի է, որ մեր ազգականները, թյո՛ւ, սբրող պարյադոչնիյ... Պյոտր Սոլոմոնիչը, օօ՛օ, նա ուրիշ է, նա քեզ կօգնի: Ափսոս մայրդ կենդանի չէ, շատ կուրախանար խեղճը, քեզ տեսնելով: Շելմա, ինչ գեղեցկացել ես, հեհե, Ժամանակի՛ն քեզանից վատ չէի: Նո՛ւ, զգույշ կաց մամզելներից, ե՛ս քեզ խրատ: Տեսնո՞ւմ ես, երիտասարդական սխալների հետևանքը երբեմն այս է, օօ՛օ, ի՛նչպես ցավում են անպիտան ոսկորներս: Բայց կնոջդ հետ պետք է լավ վարվես: Խեղճ մայրդ, կարող եմ ասել, իմ գոհը դարձավ: Լաա՛վ, համեստ մի՛ ձևանար, եթե ինձ պես չլինես, ինձանից շատ էլ լավ չես լինի: Ուրեմն պսակվում ես, շա՛տ լավ, շատ լավ, շատ լավ, ես համաձայն եմ:

Պապա, չկարծեք որ ես առանց ձեզ մի այդպիսի քայլ կանեի: Ես ինքս մտադիր էի այս օրերս ձեզ հայտնել և ձեր համաձայնությունը խնդրել:

Լադնո, լադնո, ես համառ ու կոպիտ հայրերից չեմ, որ հակառակեմ: Ես Ժամանակակից մարդ եմ, մոդեռն, բան հասկացող եմ: Շատ ուրախ եմ, շատ ուրախ եմ, է՛հ, գնա, աչքերիցդ երևում է՝ Բարաթովների ցեղից ես: Հաջողությո՛ւն, ոտներս ծածկիր այն պլեդով, այ, այդպես, ա՛խ, ի՛նչպես տխուր է մենակ կյանքը, գնա՛...

Եվ ծերունին, յուր հոգնած գլուխը թեքելով բազկաթոռի մեջքին, աչքերը խփեց, կարծես, նիրհելու համար:

Մարտ ամսի վերջն էր, երբ Բարաթյանի և Գայանեի մեջ, վերջապես տեղի ունեցավ բացարձակ խոսակցություն: Տարօրինակ էր այդ օրը Գայանեի դրությունը: Վերադառնալով տուն, նա փակվեց սենյակում, ոչ ոքի չէր թողնում այնտեղ մտնել: Վերջապես, նրա իղձը կատարվեց: Նա վաղուց գիտեր, որ

սիրվում է, բայց ա՛յլ էին լուռ նշանները, ա՛յլ էր բերանացի խոստովանությունը: Եվ Բարաթյանը բաց արեց նրա առջև յուր սիրտը, այն մարդը, որ բոլոր երիտասարդների շարքում միակն էր, որ գրավել էր Գայանեին: Այդ երիտասարդի մեջ, օրիորդի կարծիքով, կային բարոյական ուժ, խելք և արտասովոր ձիրքեր: Առանձնապես սիրելի էր Գայանեի համար նրա կիսաանփույթ և կիսահեգնական վերաբերությունը կյանքին: Նա հավատացած էր, որ եթե Բարաթյանը չի ոգևորվում, որովհետև ոգևորվելու բան չի տեսնում, եթե լրջորեն չի վիճում, չի տաքանում, ինչպես Դիմաքսյանը կամ ուրիշները, որովհետև խելքով իրան հավասար մարդկանց չի հանդիպում: Նա համոզված էր, որ հաճոյախոս, կատակասեր երիտասարդի ներքին աշխարհը պարունակում է հարուստ գանձ, և այդ գանձը վերջ ի վերջո պետք է երևան գալու ամենքին հիացնի: Հաճախ նա ուզում էր իմանալ, թե ի՞նչ է այդ բանը, կամենում էր արժանանալ երիտասարդի հավատարմությանը: Բայց Բարաթյանը երբեք չէր դավաճանում յուր մշտական սովորույթին: Նա օրիորդի հետ ևս վարվում էր այնպես, ինչպես ուրիշների հետ, հեգնելով և կատակելով: Եվ Գայանեն չէր վիրավորվում այդ բանից, ընդհակառակը, նա դեռ իրան անարժան էր համարում Բարաթյանի հավատարմությանը:

Իսկ ա՞յժմ... այժմ նա սիրված է նրանից: Ուրեմն Բարաթյանը նրա հավասարն է, այլևս նրանց մեջ գաղտնիք չի կարող և չպետք է լինի:

«Ես երջանիկ եմ», կրկնում էր նա անդադար մտքում, հետ ու առաջ անցուդարձ անելով յուր սենյակում: Եվ այդ երջանիկ առանձնության մեջ նա չէր ուզում, որ մեկը խանգարի նրան: Նա մինչև անգամ ճաշի էլ չնստեց տնեցիների հետ, պատճառելով, թե տկար է: Սակայն տիկին Բախտամյանը մտավ նրա սենյակը, խանգարեց նրան և մի հայացքով ամեն ինչ հասկացավ:

Չլինի՞ թե ուզում եք առանց մեզ հարսանիք անել, արտասանեց տիկինը դառն հեգնությամբ:

Վաղը նա կգա քեռիի և քեզ հետ խոսելու:

Բարի գալուստ, մրմնջաց տիկինը, շրթունքները կրծելով:

Գայանեն այնքան ոգևորված և հափշտակված էր յուր բախտով, որ նրա հուզմունքը այս անգամ չնկատեց: Նա միայն մի բան էր ցանկանում, տիկինը իրան մենակ թողնի, չխանգարի նրա երջանիկ թռպենները:

Հետևյալ օրը Պյոտր Սոլոմոնիչը սուրճ խմելով լրագիներ էր կարդում, երբ ծառան հայտնեց, թե Բարաթյանը ուզում է նրան տեսնել: Պատկառելի բուրժուան իսկույն հասկացավ, որ այս անգամ երիտասարդը կարևոր գործի համար է եկել, քանի որ մինչև այժմ նա երբեք յուր գալստյան մասին այդպես չէր ազդարարել ծառայի միջոցով:

Բարաթյանը հագնված էր սովորականից լավ և խնամքով: Նրա դեմքը արտահայտում էր անսովոր լրջություն, իսկ աչքերի մեջ նկատվում էր խորին ակնածություն Պյոտր Սոլոմոնիչից: Այս բանը մեղմացրեց ծերունու սիրտը: Նա ընդունեց երիտասարդին համեմատաբար ավելի հարգանքով, քան երբևէ ընդունել էր:

Բարաթյանին հարկավոր էր մի փոքր կողմնակի բաներից խոսել, որպեսզի մի կերպ խոսք բաց անե յուր նպատակի մասին: Ուստի նա դիպլոմատիական հմտությունով սկսեց բավական հեռվից և ապա հետզհետե մոտեցավ բուն գործին: Պյոտր Սոլոմոնիչը լսում էր նրան լուռ, մերթ ակնոցը դնելով քթին, մերթ հանելով: Կարծես, նա փորձում էր ապակիներով լավ կհասկանա լսածը, թե՞ առանց ապակիների: Երբ Բարաթյանը ասելիքը վերջացրեց և գլուխը ուղիղ պահած խորին պատկառանքով պատասխանի էր սպասում, Պյոտր Սոլոմոնիչը նորից հանեց ակնոցը և սկսեց նայել յուր բաճկոնակի կոճակներին: Թվում էր, որ նա դրսից է խորհրդակցում յուր սրտի հետ հանդիսավոր առաջարկության մասին: Ձայն եկավ ներսից, թե իսկի էլ վատ չէ Բարաթյանի նպատակը: Նախ, վերջապես, պետք է Գայանեին մեկի հետ ամուսնացնել, երկրորդ, այդ Բարաթյանը, աստված վկա, վատ երիտասարդի չի նմանվում: Գայանեի համար է եղել նրա այցելությունը. կնշանակե Պյոտր Սոլոմոնիչը իզուր էր նրան ատում, կարծելով, թե... Էհ, վերջապես...

Պարոն Բարաթյան, դուք Գայանեին անկեղծ եք սիրում:

Սիրում է անկեղծ և շատ է սիրում:

Պարոն Բարաթյան, ձեր հորը՝ Գերասիմ Գերասիմիչին ասե՞լ եք, թե ուզում եք Պյոտր Սոլոմոնիչ Բախտամովի քրոջ աղջկա հետ պսակվել:

Իհարկե, ի՛նչ ասել կուզե: Նա այն երիտասարդներից չէ, որ առանց իրանց ծնողների հաճության են ամուսնանում: Երիտասարդի պատասխանները դուր եկան Պյոտր Սոլոմոնիչին: Ծերունին գլուխը հավանական ձևով շարժեց և այս անգամ աչքերը հառեց դիմացինի կռճակներին:

Բան էլ կա:

Հրամայեցեք, Պյոտր Սոլոմոնիչ, ձեր խոնարհ ծառան եմ:

Մեր ժամանակում ընտանիք պահելը մի քիչ դժվար է:

Այսինքն ի՞նչպես:

Շատ փող է հարկավոր:

Բարաթյանը ստանում է տարեկան 2000 ռուբլի ռոճիկ, ապրում է յուր հոր տանը և ամուսնանալուց հետո էլ պետք է այնտեղ ապրի: Բացի դրանից, հայրը խոստանում է նրան ամսական 200 ռուբլի:

Հայրդ ի՞նչքան կարողություն ունի, ամոթ չլինի հարցնելը:

Մեր տունը տեսե՞լ եք: Պյոտր Սոլոմոնիչ:

Լա-ավ: Գրավ դրած չէ՞:

Ո՛չ:

Արժե ութսուն հազար:

Օրթաճալումն էլ մի այգի ունենք:

Գրոջ շարժե: Փո՞ղ, բա՞ն:

Հաստատր չգիտեմ, բայց, կարծեմ, իմ մասը մոտ քսան-քսանհինգ հազար զուտ փող կլինի:

Պյոտր Սոլոմոնիչը լռեց և դարձյալ նայեց յուր կոճակներին: Բարաթյանի պատասխանները բոլորովին գոհացուցիչ էին, խելոք մարդը այդ կարողությունով կարող է շատ լավ ապրել: Բայց ի՞նչ օրինավոր երիտասարդ է, օժիտի մասին իսկի՛ մի խոսք: «Արի սրան փորձեմ», մտածեց նա:

Պարոն Բարաթյան, ես Գայանենին աչքիս լույսի պես եմ սիրում:

Իհարկե, իհարկե, ես շատ լավ գիտեմ:

Համբերեցե՛ք: Հանգուցյալ քույրս մեռնելիս ինձ ասաց. «Պետրոս, աղջկանցս փողոցներում չթողնես Գայանեն տասներեք տարեկան էր, Օվսաննան հինգ տարեկան, երբ նրանց բերեցի իմ տուն: Ինը տարի վեց ամիս է նրանց պահում եմ ու մեծացնում: Էհ՛, բան է, ժամանակիս երիտասարդ եք, կարելի է մտածում եք օժիտի մասին, պարզն եմ ասում, Գայանեն ոչինչ չունի:

«Խորամանկություն ես անում, բարեկամ, ինձ խաբել չես կարող», մտածեց Բարաթյանը:

Նա բարվոք համարեց առայժմ հրաժարվել օժիտի գաղափարից: Ի՞նչ օժիտ, ի՞նչ բան, նա շատ ստոր մարդ կլիներ, եթե Գայանեի հետ կամենար փողի համար ամուսնանալ: Ոչ, ոչ, նա սիրում է օրհորդին և միայն նրան է ուզում, թեկուզ առանց կոպեկի, թեկուզ մերկ էլ տաք, նա չի հրաժարվի:

Մալադչինա, գոչեց Պյոտր Սոլոմոնիչը միանգամայն հիացած, լավ տղան այդպես պետք է անի:

Հագիվ նա արտահայտել էր յուր հիացումը, երբ դռները կամացուկ բացվեցին և հանդարտ քայլերով ներս մտավ տիկին Բախտամյանը: Պյոտր Սոլոմոնիչը ուզեց պատմել նրան, բայց տիկինը ձեռի շարժումով հասկացրեց, թե տեղյակ է բանին:

Երևի, եթե ինքս եկած չլինեի, դու ինձ չէիր կանչիլ, ասաց նա վիրավորված եղանակով:

Փաա՛, ոնց չէ, դու Գայանեի համար մայր ես:

Նա ինքը ինձանից տասնապատիկ լավ մայր է իրան համար:

Է՛է, հիմա ասա տեսնենք, համաձա՞յն ես:

Ի՞նչ ասել է «համաձայն ես»: Ես կամ դու ի՞նչ իրավունք ունինք, խոն մեր պապերի ժամանակը չէ, այժմ աղջիկը ում հավանում է նրան է գնում: Միայն ես մի բան եմ ուզում ասել, պարոն Բարաթյան, լավ մտածեցեք, շատ չե՞ք վրազում պսակվելու, դուք այնքան երիտասարդ եք, որ...

Չէ՞ որ Գայանեն էլ երիտասարդ է, ընդհատեց Պյոտր Սոլոմոնիչը:

Տիկինը ուները վեր քաշեց և ժպտալով պատասխանեց:

Ինչո՞ւ, շատ էլ երիտասարդ չէ, ես ու նա համարյա միասին ենք մեծացել, մարդ չպիտի թաքցնի պակասությունը, բավական հասակով է:

Հասակի մասին խոսելը ավելորդ եմ համարում, ասաց Բարաթյանը, չգգալով, թե որքան վիրավորում է տիկնոջը միայն ես ձեր համաձայնությունն եմ խնդրում:

Ես համաձայն եմ, գոչեց Պյոտր Սոլոմոնիչը բանին վերջ տալու համար:

Էհ, տա աստված, որ բախտավոր լինեք, ավելացրեց տիկինը հառաչելով:

Բարաթյանը թույլ տվեց, որ Պյոտր Սոլոմոնիչը համբուրի յուր ճակատը, իսկ ինքը համբուրեց տիկնոջ ձեռքը: Նա տիկնոջ հետ վարվում էր խորին որդիական հարգանքով և անսահման համեստությամբ: Մի բան, որ թե՛ Պյոտր Սոլոմոնիչին շատ դուր եկավ և թե՛ նրա սրտից ջնջեց կասկածի վերջին նշույլն անգամ...